

RANTZOU - GENEALOGIA RANZOUJIANA - 1585









929.2

R213

R.B. 15





GENEALOGIA
Ranzouiana,

PRIMUM PUBLICATA.

Anno Domini

M. D. LXXV.

Tantam vim atque necessitatem possidet
paternus maternusq; sanguis: vt si quod decus ex eo
profectum non intermori: si qua macula
verò inde concepta, non facile
elui possit.

*Semper ita senserunt Sapientes in heroicis fa-
milijs vim naturæ præstantiorem esse, quam
in reliqua multitudine, & virtutis
semina generatione com-
municari liberis.*



Ranzouie clypeus referens insignia gentis.



*Ranzouij rubra est Clypei pars dextra, sinistra est
Candida, sed cassis cornua bina gerit.*

*Cornua sunt robur, Martis color alter, & alter
Pacis: utrumq; sator nobilitate decet.*

*Forma quid hac simplex: simplex fuit ista vetustas
Simplicitas forma stemmata prisca notat.*

GENE-

GENEALOGIA

NOBILIS AC VETUSTAE FAMILIAE RANZOVIORUM, qui inter reliquos nobiles Cymbros Holsatiâ ac Ducatum Slesuicensem incolentes, nostra ac patrum memoria celebres extitêre. Nam cùm Adolphus tertius comes Schouvenburgensis ac Holsatiæ monasterium Reinfeldense fundavit, & extruxit anno Christi 1186. præter suum, præcipuorum quoque Holsatiæ nobilium insignia ordine appendi fecit ibidem, ita ut comitis insigne sibi primum, Ranzouiorum verò secundum locum vendicet, quæ deinde reliquorum Holsatiæ nobilium insignia sequuntur. Sic etiam in cista, in qua priuilegia Holsatica asseruantur, primo loco ducum Slesuicensium, comitum Holsatiæ, nec non Episcopatus Lubecensis, & Slesuicensis insignia picta conspiciuntur. Post hæc proximus locus armis Ranzouicis assignatus est. In archiuis quoque Plonensium priuilegium quoddam extat, in quo ipsis ius Lubecense ab Adolpho III. Schouvenburgensi concessum est, Anno 1236. quod pater comitem duo quoque Ranzouij tanquam testes sigillis suis confirmarunt. Nonnulli etiam Innocentij septimi pontificis confirmatione vsi Canonicatum Hamburgi pro posteris erexerunt. Ex his constat Ranzouiorum familiam, quantum ad vetustatem decus ac res gestas attinet reliquis non fuisse inferiorem.

*EX HAC ILLUSTRINOBIILIVM
prosapia Patrum.*

ac nostramemoria nati sunt Reuerend: Princeps BALTHASARVS Episcopus Lubecensis ac præpositus Schlesuicēsis, D. IOHANNES RANZOVIUS eques auratus, DANIEL RANZOVIUS Serenissimorum Daniæ Regum FREDERICI I. CHRISTIERNI III. & FREDERICI II. primarij copiarum militarium ductores ac præfecti, nec non præter hos alij Regij per Holsatiam legati siue vicarij, oratores ac consiliarij, tam pacis, quam belli tempore insignes quam plures, cuius familiæ vltra centum masculi nostro tempore adhuc sunt superstites. Et nihil aliud est familia hæc, quam bellicosorum militum, & magnanimorum ducum, quasi perpetuum seminarium, possidentq; arces munitas, castra, prædia ac nobilium domicilia 35. quæ in regno Daniæ ac Norvvegiæ, in Ducatu Schlesuicēsi, Holsatiæ, Lunæburgensi ac inferioris Saxonie sunt sita.

Has prædictas possessiones sine mascula virtute non acquisierunt, neq; tam diuturno tempore fuerunt tutati, vt maxima pars Ranzouiorum censum equestrem Romanorum, nempe Cæsaris Augusti tempore decem millia coronatorum in bonis, & parata pecunia habeat: Nonnulli horum censum senatorum nempe 25. millia coronatorum adæquent vel etiam excedant, multis interim ad aliquot centena millia progressis. Nam ex hac familia quidam nostro tempore Regina Angliæ, Regi Daniæ, ciuitati Antuerpiensi, Gandauensi, Lubecensi & Hamburgensi aliquot centena millia thalerorum ferè vno totemq; tempore mutuo dedit.

**HI TRES SEQUENTES, A QUIBVS INITIVM
huius Genealogie ducitur, fuerunt fratres
aut patrueles.**

OTTO ——— GODSCHALCVS ——— CAIVS

Dominus quondam in Sal-
tzouu, Ranzou, Schlage & Lan-
cker, nec non bonorū in terra
Oldenburgensi iacentium, quę
posterius eius adhuc possident.

Huius Posterius sub si-
gno † infra recen-
sentur :

Huius posterius enu-
merabuntur infra
sub signo *

Hic habuit filios duos.

D. BREIDO.

Fuit eques auratus, cuius posterius ob-
tinent Neuerstorff & Hogenfelde, ex
quibus nati sunt Henningus, Breido
& Nicolaus in Neuerstorff, nec non
Daniel, qui fuit præfectus militum in
bello suetico, modo regis Danię Fri-
derici II. Consiliarius, & præpositus
monasterij Vtersen, qui dimidiā par-
tem castri Sehgarten in dotem acce-
pit, & adhuc superflus est cum duobus
filijs videlicet Hansio, qui agit annum
18 & Francisco, qui ingreditur annum
11. Vxor eius Dorothea Alefeldia est,
Ipse Daniel agit annum ætatis 51.

D. SCHACKO.

Eques auratus, ab Imperatore Alber-
to, eques sui ordinis, cuius insigne fuit
Draco cum cruce, electus est in prin-
cipio An: Dn. 1409. Diploma impera-
torium, cuius vigore Dux Schlesuicē-
sis Adolphus, & hic Schacko eo ordi-
ne donati sunt, in hodiernū vsq; diem
in Archiuis Gotterpiensibus asserua-
tur. Sepultus est in GiKouu: Insulam
Vemerensem dux belli expugnauit
An: 1416. Hic Schacko 5. filios habuit,
vt sequitur, qui vixere circa annū Ch:
1469. vt patet ex literis confœderatio-
nis, quam nobiles Holsatię inter se
iniere cōtra vicinas ciuitates, & quos-

libet alios sibi contra ius vim inferre volentes, cui 24. nobiles huius familię
subscripsere. Hi quinq; filij inter se diuisere bona terrę Oldenburgensis, vt Sal-
tzouu, Klampe, Lammershagen, Rastorp, Siggem, Pudlosen, Bredouu, Lœr-
storp, Pancker, Helmstedt, Querneheck, & Merutendorp.

NICOLAVS, CAIVS, HANSIVS, HENRICVS, HARDVICVS

Hic dedit cœnobio Pretrensi qui obiit 1485. cuius vxor Ca-
præter cætera dona militare, 2. Octob. sepul-
tharina Po-
munus nempe 28. equos: Ex tus in monaste-
uius post-
zouius, qui in bello, quod de versa pagin.
Christiernus 3. Danię Rex
Landgrauij, qui
cum Lubecensibus gessit, tribunus militum fuit, & cum dua-
prum interfici-
bus cortibus sub Martino Rossemio in Belgium & Galliam
ens, eiusdē ictu
se contulit, deinde præfectus Peinensis factus, mortuusq; Lu-
rursus occubu-
becę, annum agens 77. 3. Augusti, An: Dn. 1584. sepultusq;
it, Casselięq; à
ibidem in monumento Ranzouiorum, quod Henricus Ran-
Landgrauio se-
zouius filio suo Theodoro extrui antea curauerat,
pultus est An:
Dn. 1583.

H E N R I C V S.

HANSIVS, cuius vxor Margaretha Brocktorpia Dominus quondam in Nienhus, quam ipse primus funditus ædificauit. Fuit vir doctus ac Canonicus Lubecensis. Canonicatum tamen resignauit, ac postea Haderslebij obiit, vbi quoque in Monasterio sepultus est. Reliquit septem liberos, qui omnes Daniæ Regum Friderici primi, & Christiani III. Regij Vicarij, Oratores & Consiliarij facti sunt. Huius posteros vide sub signo (÷)

D. OTTHO, Eques auratus (Anna de Breiden vxor) Dominus quondam in Bulcke & Knope, & Regis Daniæ Iohannis Senator fuit. Humatus est Chilonij in æde D. Iacobi in delubro Ranzouiorum, Anno 1511. vbi etiam conditi sunt eius filij. Hic Ottho castrum Bulcke funditus ædificauit: & filij eius fuerunt.

CHRISTOPHORVS (cuius HIERONYMVS, HENRICVS, vxor fuit Anna Ranzouia de Pucuius vxor (cuius Magdolos) Hic Christophorus & Henricus reliquere liberos qui adhuc Brocktorpia supersunt & possident bona Bulcke, Knope, Schekamp, Borchorst decessit. & Schenckel, inter quos Melchior, qui Dorotheam Ranzouiam de Quernbeck vxorem duxit, castrum Saleuick pro Tuschouu à regia maiestate Daniæ titulo permutationis ad se transtulit.

(÷) HIC ORDINE SEQUUNTUR HANSII FILII,
Henrici nepotes, Schackonis Pronepotes, Otthonis,
à quo linea incepta est, abnepotes.

I. CASPARVS Margarethæ Ranzouia de Neuerstorff maritus, quondam Dominus fuit in Smolde, nec non Regis Daniæ Consiliarius & præfectus Flensburgensis, sepulturæ mandatus est Haderslebij, Anno ætatis 77. vnâ cum vxore in æde sacra prope chorum. Reliquit 2. filios, Henricum & Iohannem, quorum hic

rum hic adhuc viuit & cum vxore castrum Haffelborch & Musckentin in dotem accepit, nec non administrationem præfecturæ Rendespurgensis obtinet, Regius quoq; in Holsatia Consiliarius electus, & agit nunc annum 54. Henrici verò hæredes possident Schmolde.

2. MELCHLOR Regis Daniæ Christiæni III. aulæ præfectus siue Marischalcus, ipsiq; charus fuit. Nam hoc fatis erepto, dixisse fertur, se gemmam ex corona amisisse. Obijt Iuuenis & coelebs, Anno Christi. 1539. Fuit admodum disertus, linguæq; Latinæ non imperitus: Sepultus est Haffniæ eo loco, qui coronationi Daniæ Regum deputatus est.

3. BALTHASARVS Episcopus Lubecensis, & præpositus Slesuicensis, nec non Christiani III. Daniæ Regis consiliarius fuit, captus est à quodam nobili, Regi inimico, & in captiuitate vitam cum morte commutauit, cum per 11. Annos Episcopatu summa cum laude præfuisset, Anno 1547. ætatis 49. Fuit vir insigniter doctus.

4. BREIDO, (cuius vxor Catharina Heister) hæres in Bolgenstede & Reduuisch à Rege Daniæ Christiano in Frisiam missus est cum copijs equestribus ac pedestribus, vt Capitaneum Menardum de Hamme obsidione solueret, à domino Georgio Schenckio autem Caroli V. gubernatore Phrisio captus fuit. Vir etiam eloquens, nec non in Ducatibus Holsatiæ, &c. locum tenens Daniæ Regis, Præpositusq; Pretzensis fuit, obijt An: 1562. 13. Octobris, ætatis 56. sepultusq; est in Parochia sua Eggebeke.

5. HENRICVS hæres in Effelsmarck & Satuuisch (vxor eius Dorothea VVonischfled) fuit Adolphi Ducis Holsatiæ Consiliarius & Præfectus Gottorpiensis, sepultusq; est Röslebij. Reliquit filium Hansium, qui bona paterna possidet, Dominusq; est pro rata sua Castri Nienhus, & arcem Saxtorff cum vxore Margaretha Alefeldia ratione dotis est natus. Habet 3. filios, Henricum, Marquardum, & Sifridum.

SIFRI-

6. SIFRIDVS Dominus quondam castri Nienhus, Insulam Vemerensem & præfecturam Haderslebiensem administrauit. Fuit ducis Holsatiæ Iohannis consiliarius, & sepultus est in Gikouu, cœlebs obiit.

7. OTTHO Margareta Alefeldia maritus, hæres in Ranzouu & Schonenuueide, adhuc existit in viuis cum 4. filijs HANSIO, BALTHASARO, MELCHIORE & HENRICO. Hic OTTHO etiam certam partem castri Nienhus obtinet.



† HACTENVS DE LINEA OTTHONIS, SEQVITVR
*nunc linea Godschalci, qui alter trium illorum, à quibus
genealogia initium ducitur.*

GODSCHALCVS I. adfuit tanquam testis confirmationi
priuilegiorum monasterij Reinfeldenfis factæ à Gerhardo Du-
ce Slesuicensi Anno 1399. cuius Senator fuit, obiit Anno æta-
tis 63.

GODSCHALCVS II. (cuius vxor fuit Elisabetha Scheffede
de Cluuenfick) vixit anno 1469. quod patet ex literis fœderis
inter primores totius Holsatiæ icti, cui 24. nobiles huius fami-
liæ subscripsere, in quibus literis fit mētio Godschalci Ranzouij
Godschalci filij. Ex quo colligi potest, tunc temporis multos
etiam Ranzouios extitisse, quorum in hac genealogia non fit
mentio. Hic Godschalcus vixit annos 63.

ANTONIVS (Druda Ranzouia Petri Ranzouij filia, vxor eius
obiit Anno 1540.) Dominus in Nienhaue, quod castrum fun-
ditus extruxit: Fuit Friderici I. Regis Daniæ Consiliarius, &
Præfectus Gottorpiensis, obiit anno 1533. Anno ætatis 63.
in æde sua parochiali Vuestensehe, vnà cum vxore humatus est
eleganti monumento muro inserto.

CLARA, nupsit Christo-
phoro de Schulenborch do-
mino quondam in Engeren
& Bezendorff, quæ hæredes
adhuc obtinent.

GODSCHALCVS III. (cuius
vxor fuit Margaretha Bockuual-
dia, Dominus extitit in Neuuen-
haue, Vuammendorp, & Vuilste-
de, Christianiq; III. Daniæ Re-
gis Senator fuit, Ambo in con-
ditorio maiorum humati iacent
in Vuestensehe, attrigeruntq; an-
num ætatis 63. Excessit autem è
viuis Godschalcus anno Christi
1564. 22. die Martij, quemad-
modum ex monumēto lapideo,
quod in memoriam eius posteri
statui curârunt, patet. Vxor eius
obiit eodem anno 22. Febr.

M

HIC

HIC ORDINE SEQUUNTUR GODSCHALCI

III. filij, Antonij nepotes, Godschalci II. Pronepotes,
Godschalci I. Abnepotes.

I. DANIEL Dominus quondam in Nienhauue & VVolden-
horn, iu iuuenilibus annis Imperatori Carolo 5. operam milita-
rem præstitit, in expugnatione Dithmarsia primum duarum co-
hortium ductor: Deinde Regis Daniae Friderici II. summus bel-
li dux contra Sueciae regem designatus est, atque hoc munus in
septimum vsque annum summa cum laude administravit, Re-
gem Sueciae aliquot prælijs superauit, exiguo exercitu ingentes
hostium copias fudit, vt in campo Astorfheide 4. millibus, 26.
millia hominum prostravit. Tandem in obsidione arcis VVar-
burgicae, quæ paulò post deditioe facta expugnata est, globo
ex tormento æneo exploso per caput eius adactò expirauit, æta-
tis circiter annum 40. II. die Nouembris, Anno Christi 1569.
in parochia sua VVestensehe apud Maiores sepultus est splendi-
do monumento cryptæ eius instrato, vna cum alijs Epitaphijs
in memoriam ibidem erectis absq; hæredibus mortuus est. De-
sponsata ei fuerat Chatarina à Damme, quam postea ipsius fra-
ter Petrus in vxorem duxit. Linguam Latinam, Italicam, Galli-
cam, Danicam ac Germanicam egregiè calluit.

2. ANTONIVS (vxor Heilunigis Sehestede) hæres quon-
dam in Vuilstorff fuit, quod prædium Regi Daniae Friderico II.
vendidit. Postea quoq; post obitum fratris Danielis Castrum
Nienhaue ipsi celsit. Hic adhuc viuit cum duobus Filijs AN-
TONIO & GODSCHALCO, qui literis dant operam & lin-
quæ Gallicæ & Latinæ non imperiti existunt, Antonius (pater)
iam agit annum 52.

PETRVS

3. PETRVS (cuius vxor Catharina à Damme fuit) Dominus in Arensborch siue VVoldehorn, cuius fundamenta iecit prima fossaq; ac vallo munire instituit, & VVammendorff, quod pro Troieburg cum rege Daniæ Friderico II. permutauit, heres quoque existit in Schirensche & Mollendorp, nec non regius Danicus Consiliarius, Præfectusq; Flensburgensis. Vxor defuncta reliquit ei vnicum filium iam 13. annorum, quem meritò fratris nomine Daniele appellari fecit. Donatus est etiam à Friderico II. Daniæ rege ordine Danico nempe aureo Elephante cum turri, & iam annos natus est 47.



* SEQUITUR LINEA CAII, QUI VLTIMVS:
*est trium fratrum, à quibus genealogia initium
ducitur.*

C A I V S.

Dominus castri Crummendick & bonorum palustrium ac circa oppidum Itzeho iacentium, sepultus ibidem in æde sacra Diui Laurentij continua monasterio nobilium monialium, prope altare S. Trinitati dicatum. Hic diuisionem ordinauit inter comites Holsatiæ & Stormariæ, Anno 1397. quæ scripto comprehensa in hodiernum vsque diem in Archiuis Gottorpiensibus in custodia habetur. Huius filius fuit.

B R E I D O.

Hæres in Krummendick, cuius vxor fuit Druda Radlouia, quæ mortua est anno 1451. 24. Augusti, Ipse verò mortem obiit, anno 1440. eodemq; loco Itzehoæ tumulatus est. Huius libri sunt sequentes quinque.

1. P E T R V S, qui bona prope Itzeho sita ad Castellum Crummendick quondam spectantia dicto monasterio Itzehoensi vendidit Anno 1480. filiam reliquit Drudam, cum qua Antonius Ranzouius matrimonium contraxit.

2. B A R T H O L D V S, qui fuit Præpositus Hadeleriensis, Canonicusq; Bremensis, excessit è viuis Buxtehudæ, anno 1459. 3. Ianuarij, translatusq; Bremam, vbi in sacra æde Cathedrali sepultus, cum Epitaphio, quod Henricus Ranzouius regius Danicus vicarius renouari fecit. Hic Bartoldus si diutius vixisset forsitan etiam ad dignitatem Episcopalem Bremensem euectus fuisset.

3. H E N R I C V S I. hæres bonorum feudalium in Itzeho: quondam Hamburgensium præfectus in arce Steinborch, obiit Sexagenarius. Anno 1497. apud maiores sepulturæ mandatus. Huius vxor Olegardis Bockuoldia fuit, quæ decessit Anno 1528.

no 1528. prope maritum condita est, Annos 41. vidua fuit: vitam ad annum 80. perduxit, filia Domini in Borstel & Syrha-gen, Huius liberi sequentur versa pagina, post Vuoldemarum & Mettam.

4. VVOLDEMARVS hæres in Crummendick, cuius posterum castrum Crummendick Sehestedijs vendiderunt. Et illorum stirps arescet cum nulla masculi hæredis spes super sit.

5. METTA sine hæredibus defuncta, quamvis in matrimonio Reuentlaui nupta vixerit, cœnobio Itzehoensi quinque millia Marcarum in testamento donauit, vt patet ex maiorum relationibus, & diplomatibus desuper confectis, nec non saxo sepulturae ibidem instrato, obiit anno 1489.

HIC ORDINE SEQUUNTUR HENRICI I.
filij quinq; & vna filia.

1. BREIDO, qui periit in Dithmarsia Anno 1500. cum tribus alijs Ranzouijs, Cùm rex Daniæ Iohannes hanc bello oppugnaret, vbi etiam tumulis obruti sub dio iacent. Nam honor sepulturae, quem ipsorum propinquæ & agnatæ moniales nobiles cœnobij Itzehoensis eis tribuere instituerant, à Dithmarsis est negatus.

2. PAVLVS Regis Daniæ Friderici I. aulae moderator siue præfectus fuit, inq; florente ætate extinctus est, An: 1521. Itzehoæ sub lapide sepulchrali humatus iacet. Reliquit filium quendam HENRICVM, qui aliquandiu castra secutus in Gallijs apud Martinum Rossemium vnus equitum turmae ductor fuit, aqua submersus periit, Slesuiciq; sepultus est Anno Domini 1546. ætatis 28.

3. CAIVS, cuius vxor fuit Ida Blomia de Schedorff, Dominus quondam iu Hanrouu, Kledkampe & Cherubi, mortuus anno 1560. ætatis suæ 72. maiorum sepulchris illatus est. Fuit Duci

Holsatiæ Adolpho à Consilijs nec non præfectus Trittauensis: Vulneratus est in bello Lubecensi tormento, cum propugnaculum Trauemunda ipsis ereptum est. Filij ipsi fuere 4.

1. **H I N R I C V S** Canonicus Hamburgensis, nec non vir militaris, stipendium meruit sub comite Balthasaro de VVidmunde contra Bremenses. Hic ab obsidione vrbis Metensis cum Duce Holsatiæ Adolpho vnus turmae equitum ductor discedens, apud Treuiros peste interijt, ibidemq; in templo cathedrali sepultus est Anno 1553. monumento in memoriam eius posito.

2. **P A V L V S**, qui fuit signifer Caroli 5. in bello contra principem Electorem Saxoniae prope Lipsiam gesto, ibidemq; pestifera lue infectus periit, ac in oppidulo Zeitz tumultatus est, fuit vir doctus, iurisq; non ignarus.

3. **MAVRITIVS**, cuius vxor fuit Barbara Sehestedia, Dominus in Hanrouu & Holtenklyncke, Ducis Holsatiæ Adolphi Consiliarius, præfectusq; Gotorpiensis, Dithmarsensis ac Reinbeccensis, & in expugnatione Dithmarsica ac Gotana vnus equitum turmae ductor fuit. Hydrope correptus Lubecæ obiit anno 1572. Itzehoam in sepulchrum maiorum translatus, monumento in memoriam eius, parieti iniuncto. Habuit vnicum filium Caium, qui adhuc superstes agit annum ætatis 19.

4. **DETHLEVVS**, cuius vxor Margaretha Henrici Ranzouij de Satuuisch filia, Dominus in Kletkampe & Cherubi, Ducis Holsatiæ Adolphi Consiliarius & præfectus Cismariensis habet filium, qui **CAIVS** appellatur, literisq; incūbit annū agens 15.

4. **DETHLEVVS** Canonicus Bremensis & Hamburgensis, Bononiæ aliquandiu in studijs bonarum artium versatus, linguam Latinam addidicit, postea Romam se conferens ibidem obiit anno 1504.

5. **CATHARINA**, quæ per 20. annos Abbatissæ munus in Cœnobio Itzehoensi sustinuit, vixitq; annos 81. ac mortua est anno 1564. 23. Ianuarij, vbi monumentum ei positum est.

6. D. IOHANNES Dominus in Bredenberg, Bodkamp, Stur-
renhagen, & Melbeck, Hierosolymis decore Balthei militaris
insignitus est circa id tempus cum Zelimus Turcarum Impera-
tor eam ciuitatem bello superasset, tribus Daniæ Regibus sum-
mus bellorum dux ac intimis à consilijs fuit, Regis insuper Da-
niæ Christiani III. regias in Holsatia vices gerens. Lubecam ob-
sidione cinxit, aliquotq; Lubecensium prope Oetinum profligauit.
In Iutia Rusticos seditiosos domuit, Nauarchum Clementem,
qui semetipsum propria autoritate pro Rege gessit, cepit, capitisq; supplicio affecit. Haffniam in Selandia etiam bis
vna cum alijs obsidione pressit. Seuerinum Norbium Regis Da-
niæ Christiani II. summum belli ducem patentibus in campis
prælio in Scania superauit & cepit. Comites quoq; aliquot in
Fionia in loco Ochsenberg dicto fudit: inter Imperatorem Ca-
rolum V. ac Daniæ Regem Christiernum III. Spiræ vnâ cum so-
cijs legationis pacem composuit ac stabiliuit anno 1544. Tan-
dem cum Daniæ Rege Friderico II. nec non Holsatiæ Ducibus
Iohanne & Adolpho in Dithmarsiam expeditionem suscepit.
Vixit annos 73. & mensem vnum, licet anno 72. ægrotare cœ-
perit, placidè obiit anno 1565. 12. Decemb. Castra Breden-
berch, & Bodtkampe precio suo emit & funditus ædificauit,
quorum prius inter munitissima totius Holsatiæ recensetur.

Hv i v s vxor fuit Anna Vualstorpia vltima eius familia, vi-
xit annos 72. obiitq; anno 1582. 29. Decembris prope coniu-
gem honorifice condita sub sepulchro splendido Itzehoæ, cum
varijs Epitaphijs, quæ filij mœrentes Patri nec non ipsi statu cu-
rârunt. Vidit liberos nepotes ac pronepotes numero 48.

HUIUS IOHANNIS EQVITIS

aurati filij fuerun.

HENRICVS Dominus in Bredenberg & vicarius regius, de quo pagina sequenti.

PAVLVS Dominus in Bodekamp, Lindeuth, Arleuat, Beyerstet & Scaphusen, Ducis Holsatiæ Adolphi Consiliarius & præfectus trittauensis, Reinbeccensis & Trummels-

butteleris fuit eiusdemq; ducis vexillifer in obsidione Metensi, nec non legatus, cum idem dux Adolphus bis mille equites ex mandato Philippi Regis Hispaniarum duci Albano adduceret. In iuuentute Alberti Marchionis primi, ducis Borussiae cubiculatus fuit. Obijt in Reinebeck, Itzehoeq; apud maiores honorifice tumulatos est, anno 1579. Annos vixit 51. Menses 5. dies 6.

Eius filij sunt.

1. **GERHARDVS** ab alio quodam nobili Holsatiæ gladio interemptus in singulari quodam certamine altero etiam grauius vulnerato. An: 1580. Oroniæ, vbi etiam sepultus est circa id tempus cum Duces Holsatiæ Ducatum Slesuicensem, à Rege Daniæ Frederico II. in feudum suscepere, ætatis ferè suæ 27. Latinè, Gallicè & Italicè loquebatur expedite: Nam in Italia & Gallia literis operam nauarat.

2. **CAIVS** sepultus Dresdæ, Anno 1580. 9. Sept. ætatis 14.

3. **BREIDO**, agens annum 22.

4. **MELCHIOR** agens annū 20. in Vngaria contra Turcam litat.

5. **OTTHO**.

6. **IOANNES** agens ætatis annum 14.

7. **HENRICVS** versatur in literis, annum agens 17.

8. **DANIEL**.

9. **BARTRAMVS**, annum agens 16.

NVNC

N V N C P E R T E X E T V R L I N E A

Henrici II. Vuatij Regij.

HENRICVS Dominus in Breidenberg, Ranzouifholm, Vuandesborch, Tufchenbeck, Nuizhouu, Melebeck, & Redingestorff. Regum Daniæ, Christiani III. & Frederici II. iu Ducatibus Slesuici, Holsatiæ & Dithmarsia Vicarius, Consiliarius ac administrator præfecturæ Segebergensis fuit per spacium 30. annorum, loquitur ac scribit Latinè expedite & eleganter, Gallicæ quoq; linguæ non imperitus. Ab inclyto Rege Daniæ Frederico II. titulo emtionis 55. millibus thalerorum Ranzouifscholmium comparauit. Nutzschouu & Redingestorff similiter coëmit & extruxit. Expugnationi Dithmarsia quam subiugatam inter Regem Daniæ, Holsatiæq; Principes diuisit: nec non tractationi pacis inter Daniæ, Sueciæ ac Polonia reges & ciuitatem Lubecam. Stetini vnà cum reliquis interfuit Anno 1570. Donatus est etiam à Frederico II. Daniæ rege ordine Danico, nimirum aureo Elephante cum turri. Iam agit annum sexagesimum.

CHRISTINA ab Halle, hæres in Drakenborch & Rintelem, Francisci ab Halle vnica filia, vxor.

F I L I I H E N R I C I I I.

1. **FRANCISCVS** Regis Daniæ Frederici II. præfectus in Cassor vbi traiectus est inter Fioniam & Selandiam, linguam callet Gallicam, Latinam & Danicam, Annum agit ætatis trigesimum. In iuuentute operam dedit literis Louonij, cum principis Vuilhelmi Aurantij filio, quo Antuerpiam vocato & capto, in Hispaniamq; abducto, hic franciscus à duce Albano Louanium remissus est.

Vxor eius Anna Rosenkranzia, quæ possidet bona in Noruegia ac Fionia.

2. **BREID O** regius Danicus senator regni, & præfectus Insulæ Langelandt loquitur item Latinè, Gallicè & Danicè expedite, agens annum 29. fuit in magno discrimine vitæ Lutetiæ, cum ibidem nuptiæ illæ cruentæ regis Nauarra celebrarentur.

Vxor eius Sophia Rosenkranzia, quæ obtinet bona in Noruegia & Fionia.

N

FRE-

3. **FREDERICVS** Archidiaconus, nec non Canonicus Slesuicensis, Latinæ Linguae non ignarus, apud Palatinum Casimirum in expeditione Coloniensi aliquandiu commoratus est anno 83. cum regio Danico Admiralio profectus est in Liuoniam versus Osel & Arnsburgum, vbi de nouo regi Daniæ Friderico II. iuramento sunt obstricti. Anno 1584. Annum nunc agit 28. & iam cum Ernesto à Mandelslo castra sequitur.

4. **GERHARDVS** Regius Danicus praefectus propugnaculi maritimi Cronenburch, Canonicus Bremensis & Lubecensis, ante aliquot annos per Germaniam versus urbem Constantinopolitanam iter suscepit, inde Hierosolymam se contulit, nec non per Italiam, Galliam, in Hispaniam versus Madrilum & Vlisso-bonam profectus, iter suum Lutetiam Parisiorum conuertit, ac hoc modo in Angliam, indeque rursus in Daniam se recepit. Ad has profectioes perficiendas, in primis ipsi profuit linguae Gallicae ac Italicæ cognitio, tum quod Latinæ quoque non planè inscius fuit; educatus est à comite Arenbergio in inferiori Germania, vbi linguas didicit, Annum agit ætatis 27.

5. **CAIVS** praepositus, nec non Canonicus Hamburgensis, loquitur Gallicè & Latinè, agitque nunc annum ætatis 23.

6. **THEODORVS** obiit Anno 1572. ætatis 11. Lubecæ vbi etiam sepulturae mandatus est in summo templo, Pater in memoriam eius monumentum satis honorificum poni fecit.

7. **IOHANNES** peste periit Heidelbergæ, Anno 1582. 17. Octobris, attigeratque ferè annum ætatis 18. ibidem quoque sepultus est, in cuius memoriam pater ipsius monumentum sepulturae ad sacram ædem Diui Petri fieri fecit eodem loco, vbi requiescit.

Hi septem proximè enumerati sunt **HENRICI II.** filij, **IOHANNIS** nepotes. **HENRICI** Primi nepotes, **BREIDONIS** abnepotes, **CAII** vnde lineæ initium ductum est atnepotes.

DE



DE FA-
MILIA
RANZO-
VIANA.



*Scipiadas, Brutos, Pompeios atq; Camillos,
Æmilios, Fabios, Roma superba dedit,
Fabricios, Curios, & cum Cicerone Catones
Præstantes studijs Martis & artetogæ.*

Æterna quorum fama monumenta dicata,
 Posteritas positas suspicit & statuas.
 Desine mirari, totidem gens unica terris
 Protulit Arctois proxima Ranzouios.
 Inter quos Schacko, Caius, numeratur, & Ottho
 Breidaq; cum Paulo, Mauritioq; simul,
 Nicoleos prestans, & cum Daniele Ioannes,
 Qui ducibus Romæ Marte fuere pares,
 Quorum dexteritas nec non mauortia virtus,
 Per varios casus sæpe probata fuit.
 Constat enim cunctis, magna quod laude uehendi
 Prefecti fuerint, militiaq; duces.
 Melchior, Henricus, Detleuus Balthasarusq;
 Bartholdusq; illis annumerandus erit.
 Insignifuncta est pars munere præsulis horum,
 Emula facundi pars Ciceronis erat.
 Ac ultra centum Ranzoio sanguine natis
 Est sospes nostro tempore vita simul.
 Quorum pars Danici regni sunt membra senatus
 Consilio holsaticos pars inuat usq; duces.
 Aliud de eadem.
 Sunt duo, quæ faciunt ut quis sit nobilis, Ars, Mars.
 Maior ab arte venit gloria, Marte minor,
 Maxima nobilitas à laude paratur utraq;
 Ut consummatus sic coalescat honos.
 Una Minerua Dea est studiorum, Dinaq; belli.
 Presidet ingenijs, militiaq; fauet.

Nobilis

*Nobilis in primis igitur Ranzouia gens est,
Stemma per antiquum ceu clypeusq; probant.
Arma nitent duplici, roseo niueoq; colore,
Unus erit belli, pacis at alter erit.
Cur non sanguinei roseus sit tessara belli?
Candidus ingenua non nota pacis erit?
Quis neget, huic genti sub auito tempore quod sit
Indole partus honos? sanguine partus honos?
Quis tales tantosq; viros non iure fuisse
Heroas magnos iudicet, et celebres?*



Aliud.

*Ars, Mars, fors, celebres, illustres, atq; potentes,
Ranzouios reddit, laude, decore, bonis.
Lauis artis, Martis decor, et bona plurima sortis,
Salua manent, pietas est quia sancta comes.*

N

UT

Ut facilius genealogia præcedens intel-
ligatur, brevis hæc subiecta est eiusdem
delineatio.



HOc etiam monendum esse duxi, quod nomina huius familiae, Caius, Antonius, Breido, Schacko, Godschalcus, Ottho, Henricus, Gerhardus, Sigefridus, Hansius, Vuoldemarus sint gentilitia & vetera. Balthasarus autem Melchior, Daniel, Caspar, Petrus, Paulus, Christophorus, Ieronimus & Nicolaus sint assumpta, cum Cymbricae regiones Christianam colere religionem coeperunt, post Caroli magni tempora, circa annum Domini 834. cum Lodouicus Caroli filius Episcopalem sedem trans Albim in loco Hammaburg instaurauit, vt Carolus Magnus illud decreuerat, quemadmodum literae Ludouici Aquisgrani eo anno datae testantur. Vnde etiam patet, quod Cymbri Christianae religioni ultra 600. annos verè additi non fuerint. Holsatiam autem & vicinas regiones, Cymbricam Chersonesum à Romanis fuisse vocatam, patet ex Tacito, Plinio, Strabone & Ptolomæo, praesertim vbi Ptolomæus recenset extensionem Cymbricae post Albim fluuium, Et vbi commemorat altitudinem polarem vrbs Trauena 54. 40. Quae ferè conuenit, paucis exceptis minutis, cum fluuiò Trauena & oppidulo Trauemunda, vbi Trauena oceanum illabitur. Exstitit autem hæc familia ante Caroli magni tempora in his Cymbricis oris, quodque eorum res gestae interciderunt, magis temporum iniquitati quam ipsis ascribendum est, eo quod Cymbri Martium

animum paulò seriùs ad literas
adiecerint.



*Fortior est qui se, quam qui fortissima vincit
Mœnia, nec virtus altius ire potest.*



HENRICVS Rantzouius Ioh. Rantzo-
uij F. regis Daniz in Ducatibus Slesui.
Holsatiz ac Dithmarsiz Vicarius, præfe-
ctus Segebergensis, Dominus in Breden-
berg, Rantzouisholm, Vuandesburgi
Tusculabecani, Nutzcouu & Melbeck.

ANNO
DOMINI
1574

ANNO
ÆTATIS
49

GENEALOGIA HEINRICI

Rantzouij à quatuor abauis deducta.

BREID O DR V D A D E T H I e n u s M A G d a l e n a H E N R I C U S A N N A H E N R I C U S A B E L A		
Rantzouij ^o Radlouia Bockvvol- de Hum- VValstor- Suaue- Rantzouij- Scheffe-		
D. in Krum de Lenfan, dius Eques melsbüttel pius Do- nia. us Domi- dia.		
mendick, obiit anno auratus, apud mari- minus in nus in Ni-		
mortuus Domini Dominus tum humata. Pardol, endorff &		
Itzehoæ, 1451. 24. in Borstel Bornho- Quern-		
ibiq; sepul Augusti, a- & Sirha- uidæ se- beck.		
tus, Anno pud mari- gen Itze- pultus.		
Dn: 1440. tum tumu- hoc sepul-		
lata. tus.		

Henricus Rantzouius Oligardis Bockuol-
hæres honorum feu- dia filia Dn. in Prot-
daliu in Itzeho stel & Sirhagen vixit
obiit Sexagenarius annos 80. mortua
An: Christi 1497. ibi- anno Dn: 1528. Itze-
demq; tumulo con- hoæ sepulta.
ditus.

Gerhardus Vualstor-
pius obiit sexagena-
rius in Ecclesia Se-
gebergensi sepultura
mandatus, ac monu-
mento honorifico
ibidem ornatus à ne-
pote Henrico Ran-
zouio.

Catharina Ranzo-
uia, obiit in Pretz, se-
ptuagenaria fere ibi-
demq; apud sorores
suas, quæ virgines
moniales fuere se-
pulta iacet.

Iohannes Rantzouius Eques auri-
tus, Dominus in Bredenberg, Bodt-
kamp, Sturenhagen & Melbeck, nec
non 3. Daniæ regum summus bello-
rum dux, vixit annos 73. & mensem
vnum, obiit in arce sua Bredenberga,
Anno Domini 1565. die Decembris.
Itzehoæ sepulchro maiorum illatus.

Anna VValstorpia vltima eius fami-
liæ in his oris vixit annos 72. obiit
Anno Domini 1582. 29. Decembris,
vidit liberos, nepotes ac pronepotes
num. 48. Itzehoæ sepulta.

HENRICVS RANZOVIVS Regis Daniæ indu-
catibus Slesuicensi Holsatiæ ac Dithmarsicæ vicarius,
Præfectus Segebergensis, Dominus in Bredenberg,
Rantzouisholm, VVandesburgi, Tuschulabecani,
Nuscovv & Melbeck, qui iam sexagenarius adhuc est
superstes.

Εἰς ἑρρίκον ῥανζόβιον.

Οὐτὸ ῥανζόβι πολλῶν αὐτάξι ἄλλων,
Αμφοτέρου, κῦδὸ μασῶν, καὶ ὅζ' ἄρη.
Δόξ' ἐν ἡδὲ χάρις μεγάλη τῷ ὀφείλει αἰδρεῖ.

Matth. Dress.

F I N I S.




Handwritten text in a cursive script, likely a title or header.


Handwritten text in a cursive script, possibly a list or a paragraph.


Handwritten text in a cursive script, possibly a signature or a date.

Handwritten text in a cursive script, possibly a date or a reference.









1823099

